


龍泉遺稿

完

柳田文庫
文庫11
A1211





文庫 11
A/211

重野成齋
鱸松塘 批阅
龍泉遺稿

辛巳維夏新鐫

尾泉遺稿

精光

廿三

松田泉文庫

冲天

实美題



序

嗚呼。是故大惑之視。川路君之遺詩也。君豈以詩傳者哉。君之為業。載在簡策。海內承庶所身目。固已足千古。君豈以詩傳者哉。顧君平生好說詞章。以摠胸臆。而不肯浪

龍泉遺稿

序

傳以故世鮮之知焉。君卒後
令嗣利恭。抱君遺草。未幾
曰。先人志。公務餘暇。時托
興吟咏。嘗謂小子曰。貴終職
事。慙頓。稍得餘閒。然後
遊。飛。翁。論。詩。以。志。樂。乎。
而。王。事。鞅。學。鞠。躬。以。及。其。

張。砂。志。小。子。痛。焉。不。忍。遺。詩。
埋。沒。年。傳。也。願。乃。先。生。論。乞。
以。謀。不。朽。嗟。乎。余。平。生。未。嘗
識。君。面。而。君。先。知。余。名。使。子
姪。從。年。游。雖。余。言。不。足。以。重
君。詩。也。其。安。可。辭。蓋。君
之。詩。清。秀。溫。雅。向。者。聖。德。

音
雖專門名家。或不能過。而常自謙。然若不知韻法者。豈非熟業之人。羞以詢。自見乎。雖於今世傳。岳武穆詩。尚武穆作詩時。自有志於傳後世哉。言以人傳。理固當然。公君詩。欲不傳。

得乎。而又何藉我輩老生之言也哉。但余不得承君好。間於海濱論。一吐肝膽。是為無窮之憾也已。君諱利良。字季。薨。烏縣人。龍泉其號。云。

序
三
年已。維夏。於東京。涉字。

七曲草堂之南軒牡丹花
松塘釣史沈元祐識



龍泉遺稿

川路利良著

男 川路利恭

校

姪 平田常彦

客中

赤羽橋邊暮笛聲。三緣山下遠人情。鄉關路隔三千
里。歲歲天涯算驛程。

春夕

梅花零落點蒼苔。日暮東風野笛哀。獨坐書窓悄無
語。亭亭孤月問人來。

龍泉遺稿

龍吟詩
墨水春日次小牧君昌業韻
吟步遲遲賞歲芳。長堤十里野花香。雙雙鷓鴣驚飛去。只有淡烟籠翠楊。

又

一路年芳無限春。梅花歷亂已成塵。微風落日長堤上。裊裊柳絲愁殺人。

雨後出遊

一路鶯啼花滿枝。數聲歸鴈度雲涯。愁霖始霽春泥滑。無那尋芳步履遲。

夏日江村

十里長堤蔭綠楊。江邊五月已移秧。水風吹入烟村暮。一點草間螢放光。

送篠原君國幹歸鄉

無奈河梁別淚紛。高樓絲竹不堪聞。憶君明日函關路。回指江門入白雲。

小春出遊

滿堤紅葉墮霜稠。滾滾長江不斷流。一片輕帆破烟去。微風吹送釣人舟。

秋日送小牧君昌業歸鄉

落日送君江水頭。衰楊不繫別離愁。明朝匹馬關山去。一路白雲紅葉稠。

雨中過山村

霏霏暖雨細無聲。水滿陂塘草始萌。樹色葱蘢天欲午。翠烟深處百禽鳴。

春日閒居

門前楊柳綠紛紛。落日鐘聲隔水聞。竹院蕭條暮風冷。且溫殘酒取微醺。

又

萬木春榮一望同。芳春樂意酒杯中。繁華次第及桃李。門外梅花飄晚風。

客中春雨

霏微春雨暗柴關。漁浦孤帆淡靄間。雲際哀鳴北歸鴈。暮天望斷海南山。

江村出遊

四月薰風拂面涼。江村一路麥初黃。殘陽影裏蛙聲聒。隔水青山似故鄉。

送中井君櫻洲歸鄉

遠遊才子向南歸。繫馬樽前未忍違。官路三千何日盡。金生山下思依依。

急雨

一片黑雲追短篷。海天卷雨乍濛濛。疾風吹入綠山樹。山上群鴉散晚風。

過古戰場

慘澹悲風木葉斑。英雄遺恨古墟間。白雲深處鐘聲動。落日殘碑霜後山。

山陽道上作

陣陣林風破翠烟。新晴正是麥寒天。同人問我詩成未。思在松青沙白邊。

又

蒼海茫茫萬里流。山陽一路麥初秋。歸鞍遙指青如黛。知是南天欲盡州。

新年

纔入新年心自閒。草堂佳氣覺春還。翠針繡出豐年兆。隴麥遙連雪後山。

又

新年人事自幽閒。賀客門前頻往還。鳥雀喧啾爭樹噪。捲簾時看夕陽山。

春望

烟暖郊原望不窮。萋萋芳草綠連空。松間時過布帆影。一片斷雲飛晚風。

謝人贈花

輕風窗外對斜陽。無限愁心忽欲忘。多謝故人相厚意。一枝和露贈林芳。

初夏山居

山中寄跡絕逢迎。窗外薜蘿風日清。睡起不知春已盡。翠嵐深處老鶯鳴。

松下讀書圖

山下小亭柴作門。看書清晝坐松根。倦來時隱烏皮睡。浙瀝乾濤入夢魂。

新年

頌歌幸遇太平時。萬家迎春舉壽卮。穆穆皇風傳四海。熙熙喜色滿天涯。

音字通稱
送春

烟樹葱龍嫩綠新。落花芳草送殘春。青皇促駕何邊去。不使柳絲維轉輪。

梅雨

橫風吹雨灑柴門。梅氣山窓晝亦昏。村路泥深來往斷。從教薜荔鎖荒園。

冬曉

陌頭早已聽行歌。林曙鴉聲枕上過。硯水曉來冰始結。屋連山麓覺霜多。

墨水春遊

幾隊紅裙簇水濱。芳情脉脉不勝春。東風起處花如雪。綠酒金尊醉殺人。

客中喜山口尚武見訪

春來幾度作閒行。今日迎君恰有情。寂寞荒庭塵不掃。落花滿地過清明。

送鮫島君誠信致鮫洲

河梁醉別住難留。不用樽前說客愁。預約明年再遊日。迎君征馬致鮫洲。

望海

蒼波淼淼望無窮。天末孤帆似掛空。萬里歸心何處
寄。欲將書信付飛鴻。

溪山小隱圖

一溪流水響淙淙。石徑遙尋物外蹤。愛此青苔留鳥
跡。滿庭樹影翠烟濃。

春日送得能君良介歸鄉

落日維舟楊柳津。東風飛絮滿江春。樽前莫惜今宵
醉。江海明朝遠別人。

送西鄉君南洲歸鄉

萬里歸心不暫留。夢魂先去向南州。薰風四月江門
晚。客裏送君增客愁。

驟雨

隱隱雷聲度翠微。黑雲撥墨壓簾帷。須臾雨歇山生
月。正是大江潮上時。

立春

春立遠山朝靄中。雙峰染出翠玲瓏。園林早已鶯聲
好。嗾得梅花笑惠風。

音
春日邸居

梅蕊紛紛柳線斜。三緣山上亂飛鴉。邸中恰是樓居好。窓外遙臨十萬家。

墨水矚目

長江十里水生烟。無限春光二月天。群鴈聲聲飛向北。風花爭送夕陽船。

送春

城中幾日落花紛。漸覺南風入坐薰。薄暮濛濛飛絮暗。不知何處餞東君。

雨餘山居

荒涼門徑碧苔封。晚雨初晴月上松。殘滴四檐聲漸斷。坐聞隱隱隔林鐘。

午眠

東風窓外鳥聲嬉。午夢歸鄉逢舊知。起坐溪頭烟雨暗。愁心繫在綠楊絲。

客意

江城四月綠陰齊。花落林頭鶯懶啼。盡日東風吹不斷。一簾烟雨晚淒淒。

除夕

萬家燈火五更天。爆竹聲中驚客眠。無限愁心鄉國遠。明朝此地又迎年。

澁谷別邸

一池流水已春聲。樹上倉庚得意鳴。門徑蕭條人跡少。嶽蓮送影入軒楹。

春日憶故園

江城春色例嫌遲。纔見今朝梅一枝。憶得故園開似雪。青樽對客卷簾時。

客中春遊

花時幸免雨兼風。一望江堤白間紅。醉裏不知春事晚。滿身香雪卧芳叢。

松陰避暑圖

石壁躋攀層又層。人言此地夏藏冰。松林謾謾天風起。十里乾濤暮景徵。

南軒

南軒日暖午風恬。小醉陶然入黑甜。不忿飛蠅來撲面。黃梁一枕夢無淹。

音身道和
夜泊圖

少小辭鄉事遠遊。今宵萬里泊孤舟。酒醒始覺寒侵背。數點漁篝照客愁。

溪上晚歸

半輪山月挂雲端。路暗溪頭着步難。駐杖遙看人語處。空林葉落一燈寒。

冬夜讀書

夜深蕭寂獨翻書。細閱千秋雙眼舒。不識辛勤天欲曉。殘燈光淡小窓虛。

剪燈夜話

碧天月落夜窓幽。鄉侶相逢解客愁。萬里同遊情不淺。一燈話到五更頭。

東叡山觀花有感

萬樹山櫻嬌麗春。林間醉殺滿城人。請花莫恃嬋妍色。旬日過來便作塵。

春夕

客窓淪茗洗餘醺。芳樹無風花自薰。有約明朝殊恐雨。春愁偏屬暮天雲。

春日江村

漠漠江村起暝烟。垂楊拂水畫橋邊。殘樽酒盡歸舟
遠。春鴈一行橫暮天。

小堂

疎松密竹小堂幽。湯沸火爐茶氣浮。獨坐悠然北窓
下。繞門寒玉一溪流。

高臺望烟圖

繚繞炊烟接海津。高臺遙望萬家春。龍顏有喜人皆
仰。千載皇風入畫新。

雪中小景

落日寒雲雪後山。孤舟撐出碧溪間。故人家在瑤林
下。未必門前興盡還。

秋夜過山中

隔澗呦呦聞鹿鳴。雲晴嶺月半輪明。寒山一路行人
絕。十里林中落葉聲。

新秋

酒闌客散月嬋娟。旋捲疎簾坐檻邊。一望蒼烟起平
野。稻花香裏占豐年。

音
九
道
香
晚秋感懷
瓶菊香殘夜正幽。白雲明月倚高秋。紛紛落葉敲窓
戶。心事蕭條客裏愁。

初冬過山村

柿子經霜紅更加。天寒落日鳥聲嘩。茅檐斜倚長松
下。莫是高人棲隱家。

春日出遊

江邊二月午風暄。一路萋萋草色繁。借問誰家春最
好。野桃緋碧滿村園。

又

遲日江村景物宜。輕風吹動百花枝。一枝高出芳叢
上。黃鳥呼人某在斯。

春夜

暮色蒼然雲乍開。一天明月照林梅。夜深門徑渾如
水。可惜此時人不來。

聞琵琶

滿堂風露夜三更。數曲琵琶彈月明。我亦青衫濕愁
淚。不堪聞此斷腸聲。

七夕

天上星河明欲流。人間風露始知秋。看他乞巧陳瓜果。我獨呼杯洗客愁。

路上作

三緣山下二更時。獨步行吟帶醉歸。路上忽驚龍影動。一輪月掛老松枝。

送伊地知君正治歸鄉

紫藤花發送君時。翠柳風搖拂面絲。千里櫻洲山色好。歸程何日到天涯。

曉行

綠樹陰森望欲迷。露霑野徑草萋萋。山村幾處藤花發。纓絡風搖拂水低。

春日村居

已破梅花雪裏香。一枝斜出竹籬傍。殘篇讀罷書窓底。有約不來空把觴。

首夏

四月江邊綠樹堆。病來初踏滿庭苔。紫藤花老南薰動。竹簟風涼作睡媒。

梅雨

陰雲垂野望幽幽。幾日梅天雨未收。村館蕭條烟樹裏。四檐殘滴碎間愁。

中元

節至中元暑漸收。西風入樹已知秋。世間不賞今宵月。幾處冥燈照塚頭。

中秋對月

天上星稀風露清。江樓喜此值新晴。青樽有酒令宵月。占得秋來第一明。

隨輦作

輦輅巡千里。龍顏親勸農。山迎仍水送。歡忭萬人從。

上毛途上

一帶峰巒黛色晴。山家幾處喚牛聲。農人爭赴南巖下。要及陽和催力耕。

信越途上

信山青接越山翠。一路如雲人滿地。千載長傳御幸蹤。車輿常見勸農使。

北越途上

暑天陪駕發東京。今日秋風霜已清。無限長途名勝地。馬頭一一入詩情。

戲詠治道風俗

他鄉風俗君休笑。萬落千村總不同。田野阿嬌豈無美。西施元出越溪中。

越中途上

青松一帶翠烟浮。馬首晴光入晚秋。九月立山天半雲。行人驚目盡回頭。

金澤

極目加能越。秋田百萬封。山河無恙在。城壘跡猶雄。

踰木芽嶺

木芽山上雨如烟。濕透衣裳汗滿身。遙看樹梢雲欠處。躋攀先我有行人。

戶部越

鸞駕朝踰戶部陵。山危泥路石峻增。天風吹動雲門樹。已到高峰最上層。

滋賀縣令請供奉官具舟泛湖

船窓滿意賞風光。酒美魚鮮興亦長。誰道縣官心術

音
好。二三十萬覓金方。

宇治懷古

撰公舊宅鋤栽菊。三位殘碑卧古堂。今日我来何所
見。河橋獨帶夕陽長。

萬碧樓

萬碧樓前江水長。青山滿目帶斜陽。可憐好景娛人
處。欄角清風茶氣香。

名護屋

昨夜窓中聞雨聲。今朝門外見新晴。滿城来往人如

湧。萬戶旌旗旭影明。

久能山

磴道盤空石欲頽。倚高四望氣雄哉。斜陽返射金銀
閣。駿遠洋程一碧開。

田子浦望芙蓉

田子浦清松樹間。芙蓉天半破雲間。行人誰識赤人
意。只誦歌詞謾望山。

熱海

一路南行傍海灣。踰山度谷步頗艱。濤聲靜處斜陽

音與通和
湧鷗背無風帆影閒。

十國嶺望芙蓉

嶺頭遙望十州峰。凜冽寒風霜氣濃。滿目皚然神思冷。中天突出玉芙蓉。

水光山色樓

水光山色一樓中。睡起悠然坐晚風。休暇三旬人不訪。閒身自覺世情空。

日金山次高坂君韻

踏苔遙上白雲巔。無限吟懷乍爽然。十國山河來眼

底芙蓉萬丈立中天。

熱海歸途作

來時路過碧林隈。今日秋風落葉堆。滿耳濤聲聞不斷。萬山沈處一帆回。

林塘

林塘風不動。波暖浸晴暉。鷺鴨兩三隻。時時為伴歸。

淺草林亭夜歸

淺草梵園霜葉飛。鐘聲動處晚烟霏。遊人散後林亭寂。一醉陶然點燭歸。

述懷

制成挺隊六千兒。協力同心山可移。生死人間元有命。丈夫無信亦何為。

督軍抵鹿兒島與波江山官軍連絡有作

孤軍別隊向線外。三尺霜刀萬死情。勝敗未判人握汗。戰塵遙起鹿兒城。

偶成

平生團結六千兒。矢羽砲烟只所麾。三尺霜刀加賊首。功名天下萬人知。

禁園觀菊

勅賜勲臣宴禁園。雙雙夫婦拜金扉。內家仕女引賓入。滿苑名花香襲衣。

殿上相逢盡舊知。華筵賜宴醉初歸。朝廷後是多諧樂。西海風波昨夢非。

苑菊迎霜根自肥。秋光滿眼彩雲圍。可憐天下無雙種。四海人皆仰德暉。

龍泉遺稿畢

大澤鉞三郎刻

48-12866

明治十四年八月十日出版御届

同

年八月出版

東京府平民

編輯出版人

鱸 松塘

淺草區向柳原町二丁目四番地

同

發行書肆

東生龜次郎

日本橋區通旅籠町二番地

010190526017

